



JAMHURI YA MUUNGANO WA TANZANIA

**WIZARA YA MAWASILIANO NA
TEKNOLOJIA YA HABARI**

**MFUKO WA MAWASILIANO KWA WOTE
(UCSAF)**



**TAARIFA YA MIRADI YA
UCSAF**

1. UTANGULIZI

- **KUANZISHWA KWA MFUKO WA MAWASILIANO KWA WOTE (UCSAF)**
- Mfuko wa Mawasiliano kwa Wote (UCSAF) ulianzishwa na Serikali ya Jamhuri ya Muungano wa Tanzania kwa Sheria ya Bunge nambari 11 ya mwaka 2006 Sura ya 422 kwa lengo la kuwezesha upatikanaji wa huduma ya mawasiliano kwa wananchi waishio katika maeneo machache ya mijini na maeneo mengi yaliyo vijijini yasiyo na mvuto wa kibiashara kwa watoa huduma za mawasiliano.
- Tangu kuanzishwa kwa UCSAF kumekua na ongezeko kubwa la idadi ya wananchi waliofikiwa na mawasiliano hasa maeneo ya vijijini ambapo mpaka sasa 98% ya idadi ya Watanzania wamefikiwa na mawasiliano ikilinganishwa na 45% mwaka 2006 kabla UCSAF haijaanza kutekeleza wajibu wake wa kisheria.



1. UTANGULIZI

- **MALENGOYA UCSAF**

- Malengo ya UCSAF yaliyoainishwa na sheria ya uanzishwaji wake yamejikita katika maeneo yafuatayo:-
- Kuhakikisha upatikanaji wa huduma za mawasiliano katika maeneo ya vijijini na maeneo ya mijini yenye mawasiliano hafifu;
- Kuhamasisha ushiriki wa sekta binafsi na serikali katika utoaji wa huduma za mawasiliano kwa wote katika maeneo ya vijijini na maeneo ya mijini yenye mawasiliano hafifu;
- Kuisimua maendeleo ya kijamii na kiuchumi katika maeneo ya vijijini na maeneo ya mijini yenye mawasiliano hafifu;
- Kutengeneza mfumo kwa ajili ya upatikanaji wa mitandao ya mawasiliano na huduma rahisi na zenye ufanisi katika uzalishaji na upatikanaji katika soko la kiushindani;
- Kuhamasisha utoaji wa huduma bora katika viwango nafuu na kuhakikisha kuwa teknolojia ya habari na mawasiliano inapatikana vijijini na sehemu za mijini zenye mawasiliano hafifu kwa bei nafuu; na
- Kuhakikisha upatikanaji wa huduma za mawasiliano kwa wote kwa kuboresha upatikanaji wa huduma za mawasiliano kupitia ushiriki wa sekta binafsi



1. UTANGULIZI

- **KAZI ZA UCSAF**

- Katika kuhakikisha UCSAF inafikia malengo yake kama yalivyoainishwa katika Sheria iliyoanzisha taasisi na kwamba inatekeleza majukumu yake, UCSAF ina kazi zifuatazo:-
- Kubaini maeneo ya miradi ya mawasiliano ambayo yanaweza kupata ruzuku kutoka UCSAF;
- Kuweka vigezo vya utambuzi wa maeneo ya vijiji vinavyohitaji na ambavyo haviwezi kupata huduma ya mawasiliano kwa sababu havina mvuto wa kibiashara;
- Kufanya tafiti mbalimbali na kufuatilia maendeleo ya mawasiliano katika maeneo ya vijijini na yale yasiyo na mvuto wa kibiashara;
- Kupendekeza njia sahihi za kutoa ruzuku kwa ajili ya kupeleka huduma ya mawasiliano vijijini na katika maeneo yasiyo na mvuto kibiashara;
- Kusimamia kisheria mikataba ya utekelezaji wa majukumu ya utoaji wa huduma za mawasiliano kwa wote;
- Kuweka utaratibu mzuri wa kusimamia, kukokotoa na kukusanya tozo za Mawasiliano kwa wote kutoka kwa watoa huduma



2. UTEKELEZAJI WA MIRADI YA UCSAF

- **MIRADI YA MAWASILIANO YA SIMU**

- Mpaka kufikia Januari 2025, Serikali kupitia Mfuko wa Mawasiliano kwa Wote (UCSAF) imefanikiwa kuingia mikataba na watoa Huduma ya Mawasiliano (Makampuni ya simu) kufikisha huduma ya Mawasiliano katika kata 1,974 zenye vijiji 5,110 kwa kujenga jumla ya minara 2,143, ambapo minara yote hii ikikamilika wananchi 23,804,135 watapata Huduma hiyo ya Mawasiliano ya simu kwa uhakika.
- Hadi kufikia Januari, 2025, jumla ya kata 1,608 zenye vijiji 4,453 na wakazi takribani 24,322,252 wameshafikishiwa Huduma ya Mawasiliano kwa jumla ya minara 1,754 iliyojengwa tayari katika kata hizo. Utekelezaji unaendelea katika kata 356 zenye minara 389, vijiji 663 na wakazi 4,839,754. Gharama (Ruzuku) za utekelezaji wa awamu mbalimbali za mradi wa Mawasiliano Vijijini ni takribani **TZS Bilioni 326**.



2. UTEKELEZAJI WA MIRADI YA UCSAF

- **UJENZI WA MINARA 758 KATIKA KATA 713 TANZANIA**
- Serikali kupitia UCSAF inatekeleza mradi wa ujenzi wa minara 758 katika kata 713 ambapo jumla ya wananchi milioni 8.5 watapata huduma hiyo pindi mradi ukikamilika. Mradi huu ni wa muda wa miaka miwili na gharama ya kutekeleza mradi husika ni **TZS 126 Bilioni**.
- Mpaka kufikia Januari, 2025 jumla ya minara 380 imekwisha washwa kama ifuatavyo: -
 - Airtel, minara 118 imewashwa;
 - Vodacom, minara 114 imewashwa;
 - Honora (Tigo), minara 118 imewashwa;
 - Halotel, minara 28 imewashwa; na
 - TTCL, minara 2 imewashwa.



2. UTEKELEZAJI WA MIRADI YA UCSAF

- **MRADI WA KUBORESHA UWEZO WA MINARA 304**
- Mpaka kufikia Januari, 2025, minara yote 304 sawa na 100% ya utekelezaji wa uboreshaji wa minara iliyokuwa na teknolojia ya 2G tayari imeshaboreshwa (imeshaongezewa nguvu ya 3G/4G) toka kwa watoa huduma.
-
- **Lengo la kuboresha minara hii** ni kuongeza wigo wa matumizi ya mawasiliano ya intaneti ya kasi kutoka asilimia arobaini na tano (45%) mwaka 2020 hadi asilimia themanini (80%) mwaka 2025.



2. UTEKELEZAJI WA MIRADI YA UCSAF

- **MRADI WA KUFIKISHA MAWASILIANO KATIKA OFISI MPYA ZA WAKURUGENZI WA HALMASHAURI**
- UCSAF inatekeleza Mradi wa kufikisha huduma za mawasiliano katika Ofisi mpya za Wakurugenzi wa Halmashauri zilizohamia katika maeneo mapya ambayo yalikuwa na changamoto za huduma ya mawasiliano. Mpaka sasa imeshatekeleza mradi huu kwa ushirikiano na Shirika la Mawasiliano Tanzania (TTCL Corporation) kwa kufikisha huduma ya mawasiliano katika Halmashuri zote 10 zilizokuwa zimeainishwa. Ofisi za Halmashuri hizo 10 zilizoainishwa katika mradi huu ni Mbogwe DC, Tanganyika DC, Kakonko DC, Rorya DC, Malinyi DC, Mtwara DC, Msalala DC, Nzega DC, Kilindi DC na Pangani DC.



2. UTEKELEZAJI WA MIRADI YA UCSAF

- **MRADI WA KUFIKISHA HUDUMA YA MAWASILIANO YA SIMU ZANZIBAR.**
- UCSAF imekamilisha utekelezaji wa Mradi wa kufikisha huduma za mawasiliano katika visiwa vya unguja na pemba. Kwa mkushirikiana na kampuni ya **ZANTEL** jumla ya shehia 38 zimenufaika na jumla ya minara 42 imejengwa visiwani Unguja na Pemba.
-
- **MRADI WA KUBORESHA (UPGRADE) MINARA 127 KUTOKA 2G KWENDA 3G/4G.**
- UCSAF imekamilisha mradi ya Kuboresha/Kuiongezea nguvu (Upgrade) minara 127 iliyokuwa na uwezo wa kutoa huduma ya mawasiliano kwa kiwango cha teknolojia ya 2G ili itoe huduma ya intaneti kwa kiwango cha teknolojia ya 3G/4G.



3. MIRADI YA TEHAMA

- **KUFUNGA MTANDAO WA INTANETI KATIKA MAENEO YA WAZI**
- UCSAF imefanikiwa kufikisha huduma ya intaneti katika maeneo 6 ya wazi ya umma ikiwemo Chuo cha Maendeleo ya Jamii cha Lungemba (Mafinga), eneo la Nyerere Square (Dodoma), Ndaki ya Habari na Elimu Angavu (CIVE, Chuo Kikuu cha Dodoma), Soko la Tabora (Tabora), Kiembe Samaki (Unguja) na Soko la Buhongwa (Mwanza) na Maeneo Mengine 17 katika Viwanja vya maonyesho ya Sabasaba.
- **UJENZI WA KITUO CHA TEHEMA KILICHOPO BWEFUM-ZANZIBAR**
- UCSAF imekamilisha ujenzi wa kituo cha TEHAMA katika eneo la Fumba, Mkoa wa Mjini Magharibi Wilaya ya Mjini. Kukamilika kwa kituo hiki, kumefanya Wilaya zote 11 kwa upande wa Pemba na Unguja kuwa na vituo vya TEHAMA



3. MIRADI YA TEHAMA

- **UANZISHWAJI WA KITUO CHA MIITO YA DHARURA (CALL CENTRE ZANZIBAR)**
- Serikali kupitia UCSAF imekamilisha uanzishwaji wa kituo cha Mawasiliano cha dharura (Emergency Call Centre) Zanzibar ambapo jengo la kituo cha TEHAMA cha Kiembe Samaki lengo ni kuiwezesha Zanzibar kuwa na kituo kwa ajili ya kuratibu taarifa za matukio ya dharura yanayohitaji uratibu wa pamoja, kwa mfano janga la Moto, Magonjwa ya mlipuko, mafuriko na taarifa zingine zinazoweza kujitokeza.
-
- **MAFUNZO YA TEHAMA KWA WALIMU WA SHULE ZA MSINGI NA SEKONDARI.**
- Tangu kuanzishwa kwa Mradi wa Mafunzo ya TEHAMA kwa walimu hadi Desemba 2024, UCSAF imeweza kugharamia na kutoa mafunzo kwa walimu 3,798 toka katika shule 1791 za sekondari na msingi za Serikali Tanzania Bara na Zanzibar.



3. MIRADI YA TEHAMA

- **KUPELEKA VIFAA VYA TEHAMA KATIKA SHULE ZA UMMA**
- UCSAF imefanikiwa kufikisha vifaa vya TEHAMA katika shule 1,210 ambapo UCSAF imekua ikipeleka vifaa hivyo kwa mgawanyo wa Kompyuta 5, Projekta 1 na Printer 1 kwa kila shule. **Lengo la Mradi huu** ni kuhamasisha na kukuza uelewa zaidi katika masuala ya TEHAMA kwa wanafunzi katika shule za sekondari.
- **SIKU YA WASICHANA NA TEHAMA (GIRLS IN ICT DAY)**
- UCSAF imefanikiwa kuwajengea uwezo wanafunzi 1,199 wa kike wa shule za sekondari za umma ikiwa ni sehemu ya maadhimisho ya siku Kimataifa ya msichana na TEHAMA (Girls in ICT Day **Lengo la Mradi huu** ni kuhamasisha na kukuza uelewa katika masuala ya TEHAMA kwa wanafunzi wa kike katika shule za sekondari na hatimaye kuchagua fani zinazohusiana na masuala ya TEHAMA.



3. MIRADI YA TEHAMA

- **MRADI WA KUPELEKA VIFAA MAALUM VYA KUJIFUNZIA KWA SHULE ZENYE WATOTO WENYE MAHITAJI MAALUM**
- UCSAF imepeleka vifaa mbalimbali kulingana na uhitaji katika shule 16. Baadhi ya vifaa vilivyounuliwa ni pamoja na Vifaa ni pamoja na TV, Braille Machine (Nukta Nundu) Orbit reader (Machine za Kisasa), Laptops, Embosser (Printa ya nukta nundu), Digital voice recorders, Magnifiers.



4. MIRADI YA HUDUMA ZA UTANGAZAJI

- **MIRADI YA KUBORESHA USIKIVU WA REDIO JAMII NCHINI**
- UCSAF kwa kushirikiana na Halmashauri mbalimbali nchini imefanikiwa kujenga na kuboresha studio za Redio Jamii ikiwa ni pamoja na Halmashauri ya Wilaya Arusha, Halmashauri ya Mpimbwe, Halmashauri ya Ruangwa na Halmashauri ya Mtama. Studio hizi zimejengwa na kufungwa vifaa vya kisasa na Serikali kupitia Mfuko wa Mawasiliano kwa Wote (UCSAF).

